

Headline	Lihat dari sudut positif		
MediaTitle	Harian Metro		
Date	23 Oct 2012	Color	Full Color
Section	Setempat	Circulation	324,097
Page No	25	Readership	1,981,000
Language	Malay	ArticleSize	122 cm ²
Journalist	N/A	AdValue	RM 4,488
Frequency	Daily	PR Value	RM 13,464



'Lihat dari sudut positif'

KUALA LUMPUR: "Jangan cepat menghukum. Bila sesuatu musibah berlaku seperti penyakit dan sebagainya, itu ujian Allah. Masyarakat jangan melihat kifarrah saja, tapi tengok sesuatu dari sudut positif," kata penceramah motivasi, Muhamad Abdullah.

Beliau yang juga pengasas Darul Ukhwah Yayasan al-Ijabah berkata, ada kalanya Allah ingin mengangkat darjat seseorang dengan memberi ujian tertentu seperti sakit kronik agar dapat meningkatkan keimanan seseorang.

Selain itu, katanya, di sebalik penderitaan itu juga mungkin Allah mahu memberi peluang kepada orang lain untuk berjasa selain menjadi iktibar kepada masyarakat umum.

"Pengalaman menubuhkan rumah HIV Darul Ukhwah pada 2009 adalah usaha untuk menyelamatkan 50 pesakit Muslim daripada dimurtadkan. Sehingga kini, pesakit semakin bertambah dan kami mempunyai lebih 140 orang berusia antara 20 hingga 50-an.

"Bagi pesakit pula, kami se-

lalu memberikan motivasi agar tidak cepat putus asa menempuh ujian itu kerana ada hikmah tersembunyi di sebaliknya," katanya.

Muhamad tidak menafikan ada kalangan mereka yang kecewa lebih terdorong ke arah negatif dengan melakukan tindakan di luar pertimbangan akal. Bagi golongan ini, alang-alang sudah terjerumus ke lembah hina biar terus sampai mati.

Baginya, sikap berputus asa itu harus dikikis apatah lagi sebagai orang Islam pintu taubat sentiasa terbuka.



MUHAMAD ABDULLAH
...semua ujian Allah